



**CONVENIO DE COLABORACIÓN ENTRE A CONCELLERÍA DE
DEPORTES E O CENTRO ESCOLAR IES SANTA IRENE POLA
UTILIZACIÓN DA INSTALACIÓN MUNICIPAL DO COMPLEXO DEPORTIVO
MUNICIPAL DE TRAVESAS PARA IMPARTIR A DOCENCIA DAS CLASES
DE EDUCACIÓN FÍSICA.**

No Concello de Vigo, o día 14 de febreiro de 2017

REUNIDOS:

Dunha parte D. Abel Caballero Álvarez, Alcalde do Concello de Vigo

Doutra parte D. Federico Bertólez Ruiz con dni 13922507D, como representante legal do Centro IES Sta Irene con CIF Q-8655098E, tal como acredita.

MANIFESTAN QUE

O Concello de Vigo, a través da súa Concellería de Deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións ou vertentes, entre a que se atopa a do ámbito educativo.

O Centro escolar IES Sta Irene, desenvolve a súa labor formativa nas súas instalacións, ubicadas na parcela anexa ó Complexo Municipal de Travesas, ubicada na Praza de América, 7, en Vigo. Este centro público educativo non dispón do espazo suficiente, necesario e axeitado para o desenvolvemento das clases de E.F.

As actuacións de colaboración entre administracións no eido do deporte e a E.F pode contribuir a consolidar hábitos de vida saudable, a mellorar a condición física da poboación escolar da cidade e a mellorar as condicións nas que se desenvolven as actividades docentes de Educación Física.

Polo cal procédese asinar un convenio de colaboración que rexirase polas seguintes cláusulas,

CLAÚSULAS

1. Este convenio establécese como marco de entendemento e colaboración mutua que permita desenvolver as actividades docentes de E.F. do Centro escolar IES Sta Irene nas instalacións Municipais da Pista Vermella e pavillón do Carmen no Complexo Municipal de Travesas.



2. O Centro escolar IES Sta Irene en base ó artigo 6, letra a), da ordenanza Nº 52, Reguladora de prezos públicos pola utilización das instalacións deportivas municipais, estará exento de abonar o prezo público correspondente a utilización da instalación obxecto do presente convenio, un total de 1011.54 horas, durante a vixencia do convenio, cun importe por hora de 7.95 €, e que ascende ó importe estimado de 8.041,74 €.
3. O Centro escolar IES Sta Irene comprométese a desenvolver as clases de E.F. nas condicións establecidas no presente convenio, na instalación deportiva municipal da Pista Vermella no Complexo Municipal de Travesas nos horarios e datas establecidos no presente convenio.
4. O Centro escolar IES Sta Irene presentará, á sinatura do convenio o listado de cursos que desenvolverán as clases en cada franxa horaria.
5. O Centro escolar IES Sta Irene é o responsable do desenvolvemento das clases na instalación Municipal, debendo estar presente na instalación en todo momento o responsable da clase.
6. O Centro escolar IES Sta Irene comunicará a Concellería de Deportes con antelación suficiente calquera cancelación ou alteración nos horarios das clases.
7. A Concellería de Deportes non terá ningunha responsabilidade co calquera incidente que poidera resultar derivado do desenvolvemento da actividade docente.
8. O centro educativo presentará unha póliza de responsabilidade de cobertura da actividade previa á sinatura do convenio.
9. Os alumnos que desenvolvan a actividade na instalación será exclusivamente os vinculados ás clases de E.F. do centro, non estando permitido ningún outro uso que non sexa a impartición da docencia.
10. Os alumnos accederán á instalación precedidos polo docente responsable da clase, non estando permitido o acceso dos alumnos en caso contrario. Da mesma forma, o docente será a última persoa en abandonar a instalación, asegurándose de que ningún alumno ou alumna queda na instalación.



11. A Concellería de Deportes, aportará o espazo para o desenvolvemento das clases.
12. A Concellería de Deportes resérvase a posibilidade de dispoñer da instalación por cuestións de programación, mantemento ou reformas. Neste caso se avisará á entidade, debendo ésta cancelar a docencia na instalación Municipal.
13. A vixencia deste convenio é para as citadas actividades nos seguintes horarios para o curso académico 2016-2017:

Días	Instalación	Horario
Luns a venres	Pista Vermella	De 08,30h a 14,30h
Luns a venres	Pavillón do Carmen	De 08:30h a 10:00h

14. O Convenio deberá renovarse curso a curso, previa solicitude do Centro escolar IES Sta Irene, nas datas establecidas segun estableza a Concellería de Deportes.
15. No caso de incumplimento das obrigas e os compromisos asumidos neste convenio, por cada unha das partes, poderanse aplicar medidas de suspensión ou anulación da vixencia do convenio.

Como proba da conformidade asinan en Vigo o presente convenio por triplicado.



O Alcalde do Concello de Vigo

D. Abel Caballero Álvarez

O Director do Centro escolar IES Sta Irene

D. Federico Bertólez Ruiz